



**БАЯНХОНГОР АЙМГИЙН  
БАЯНЛИГ СУМЫН ИРГЭДИЙН ТӨЛӨӨЛӨГЧДИЙН ХУРЛЫН  
ХУРАЛДААНЫ ТОГТООЛ**

2020 оны 12 сарын 16 өдөр

Дугаар 2/02

Хатансуудал


Баянлиг сумын Засаг даргын 2021-2024 оны  
Үйл ажиллагааны хөтөлбөр батлах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.1-ийн “д” дахь заалт, Хөгжлийн бодлого, төлөвлөлт, түүний удирдлагын тухай хуулийн 9 дүгээр зүйлийн 9.11.1 дэх заалтыг тус тус үндэслэн сумын иргэдийн Төлөөлөгчдийн Хурлын ээлжит 2 дугаар хуралдаанаас ТОГТООХ нь:

1. Сумын Засаг даргын 2021-2024 оны үйл ажиллагааны хөтөлбөрийг хавсралтаар баталсугай.

2. Үйл ажиллагааны хөтөлбөрийг хэрэгжүүлэх 2021 оны төлөвлөгөөг боловсруулж, биелэлтэд байнгын хяналт тавьж ажиллахыг сумын Засаг дарга /О.Мөнхбат/-д даалгасугай.

ДАРГА



С.АМАРСАНАА

0519048

Сумын иргэдийн Төлөөлөгчдийн Хурлын  
2020 оны 12 дугаар сарын 16-ны өдрийн  
ээлжит 2 дугаар хуралдааны 2/02  
дугаар тогтоолын Хавсралт

## БАЯНЛИГ СУМЫН ЗАСАГ ДАРГЫН 2021-2024 ОНД ХЭРЭГЖҮҮЛЭХ ҮЙЛ АЖИЛЛАГААНЫ ХӨТӨЛБӨР

2020 оны 12 дугаар сарын 16

Хатан суудал

**ЭРХЭМ ЗОРИЛГО:** Хүний хөгжлийг дээдэлсэн төрийн цогц үйлчилгээтэй, уламжлалт мал аж ахуй, газар тариаланг эрчимжүүлсэн, байгальд ээлтэй шинэ технологи бүхий үйлдвэр, дэд бүтэц, аялал жуулчилал, хөгжсөн манлайлагч сум болох.

**Нэг: “Ковид-19” халдварт цар тахлаас үүдэлтэй эдийн засаг, нийгмийн хүндрэлийг даван туулах бодлогын хүрээнд:**

**Зорилго 1.1. “Ковид-19” халдварт цар тахлаас урьдчилан сэргийлнэ.**

Зорилт 1.1.1. Сумын нутаг дэвсгэрт коронавирусийн халдварын цар тахалтай тэмцэх, хүн амыг “Ковид-19” вирусийн халдвараас урьдчилан сэргийлэх, салбар дундын зохицуулалт, гамшгаас хамгаалах алба, мэргэжлийн ангиудын үйл ажиллагааны бэлэн байдлыг хангана.

Зорилт: 1.1.2. Хорио цээр, хязгаарлалтын дэглэм тогтоосон үед эрүүл мэндийн салбарын хэмжээний шаардлагатай эм, эмнэлгийн хэрэгсэл, хувийн хамгаалах хэрэгсэл, оношлуур халдваргүйжүүлэх бодис, эмнэлгийн тоног төхөөрөмжийн хангалтыг тасралтгүй, хомсдол үүсэхээс сэргийлэх арга хэмжээг зохион байгуулж, нөөцийг бүрдүүлнэ.

Зорилт: 1.1.3. Цахим орчин, хэвлэл мэдээллийн хэрэгслээр дамжуулан, иргэдэд коронавирусийн халдвараас урьдчилан сэргийлэх чиглэлээр эрүүл мэндийн мэдээлэл, зөвлөгөө, зөвлөмжийг хүргэх, сэрэмжлүүлэг мэдээлэлээр хангах ажлыг эрчимжүүлэн зохион байгуулна.

Зорилт: 1.1.4. “Ковид-19” вирусийн халдварын үеийн орон нутгийн эрсдэлийн үнэлгээг салбар дундын оролцоотой хийж, үр дүнг шийдвэр гаргах үйл ажиллагаанд ашиглах, эрсдэлийг бууруулах цогц арга хэмжээг хэрэгжүүлнэ.

Зорилт: 1.1.5. Ковид-19 халдвараас урьдчилан сэргийлэх бэлэн байдлыг хангах бэлэн байдлын төлөвлөгөө боловсруулан хэрэгжүүлэх, тусгаарлах болон эмчлэн тусгаарлах байруудын бэлэн байдлыг шуурхай хангаж эмч эмнэлгийн ажилтнуудыг

халдвараас сэргийлэх арга барилд сургах ажлын байрны тасралтгүй сургалтыг тогтмол зохион байгуулж ур чадварыг нь дээшлүүлэн аюул эрсдлээс урьдчилан сэргийлж эрүүл мэндээр хохироохгүй байх арга хэмжээг авч ажиллана

**Хоёр: Хүний хөгжлийн бодлогын хүрээнд:**

**Зорилго 2.1 Эрүүл иргэн -ирээдүйн үнэт зүйл**

Зорилт 2.1.1 Дархан уул аймгийн Харзтай шүдний эмнэлэгтэй хамтран шүдний эмчилгээний тоног төхөөрөмж, мэргэжлийн эмч бүхий кабинетыг эрүүл мэндийн төвд нээх

Зорилт 2.1.2 Төсөвт албан байгууллагуудыг ажлын байран дээрээ артерийн даралт, биеийн жингээ хэмжих, эрүүл мэндээ хамгаалахад зориулсан тоног төхөөрөмжийг бий болгон ажиллахад нь дэмжлэг үзүүлэх.

Зорилт 2.1.3 Эм эмнэлгийн хэрэгслийн чанар аюулгүй байдлыг ханган, эмийн зохистой хэрэглээг төлөвшүүлэх

Зорилт 2.1.4 Иргэдийн зонхилон тохиолдох халдварт бус өвчнөөс урьдчилан сэргийлэх, эрт илрүүлэг зохион байгуулах замаар нас баралтын түвшинг бууруулах

Зорилт 2.1.5 Зонхилон тохиолдох хавдрын эрт илрүүлэг, үзлэгийг чанартай зохион байгуулж, үр дүнг тооцон, үзлэгт хамруулах, тоног төхөөрөмжөөр /Эхо аппарат / хангах.

**Зорилго 2.2. Засгийн газар, Эрүүл мэндийн яамнаас хэрэгжүүлж буй хууль тогтоомж шийдвэрийн хэрэгжилтийг хангах**

Зорилт 2.2.1. Хүн амын хоол тэжээл үндэсний хөтөлбөрийн хүрээнд иргэдийн зөв зохистой хоололтыг дэмжих сургалт сурталчилгааг тогтмол хийж хүн амын дундах хоол хүнсний далд чихэр тослогыг бууруулан эрсдэлт хүчин зүйлийн нөлөөллийг багасгах замаар илүүдэл жингээс сэргийлэх, бөөр зүрх судасны өвчлөлийг бууруулан үр дүнг тооцох

Зорилт 2.2.2. Эмнэлгийн тусламж үйлчилгээний чанар хүртээмжийг нэмэгдүүлэн иргэдийн хүлээгдэл чирэгдлийг бууруулах

**Боловсролын чанар- хөгжлийн тулгуур**

**Зорилго 2.3 Хүн бүрт чанартай боловсрол эзэмшүүлж, боловсролын чанарын үнэлгээг дээшлүүлж, хүүхдэд ээлтэй, эрүүл, аюулгүй орчин бүрдүүлнэ.**

Зорилт 2.3.1 Өсвөр үе, өрхийн гэрэлт ирээдүй хөтөлбөрийг хэрэгжүүлэх

Зорилт 2.3.2 Боловсролын байгууллагуудын хамран сургалтыг 100 хувьд хүргэнэ.

Зорилт 2.3.3 “Сайн багш” хөтөлбөр хэрэгжүүлэх.

Зорилт 2.3.4 “Хүүхдийн амьдрах ухааны төв, хөдөлмөр зуслан” –д сурагчдыг хамруулна.

Зорилт 2.3.5 Сургуулийн өмнөх боловсрол, Гашуун дэл бага сургуульд “Авьяас” хөтөлбөрийг үргэлжлүүлэн хэрэгжүүлнэ.

Зорилт 2.3.6 Орон нутагт дутагдалтай байгаа захиалгат мэргэжлээр “Суралцаж байгаа оюутнуудыг боловсролын зээлийн сан”-д болон тэтгэлэгт хөтөлбөрт хамруулах

Зорилт 2.3.7. “Монгол ухаан” хөтөлбөрийг хэрэгжүүлэх.

Зорилт 2.3.8 Гашуун дэл бага сургуулийн сурагчдын тоог үе шаттайгаар нэмэгдүүлэх.

Зорилт 2.3.9 Сурагчдын оюуныг хөгжүүлэх, бие даан суралцах, сургалтын хөтөлбөрийг хэрэгжүүлж, уралдаан, тэмцээн, олимпиад зохион байгуулах. Санхүүгийн дэмжлэг үзүүлэх.

Зорилт 2.3.10. “Хос бичигтэн”, “Англи хэл”, “Робокон- Баянхонгор”, “ном”, “аав ээж би” дэд хөтөлбөрүүдийг хэрэгжүүлэх.

Зорилт 2.3.11. Номын сангийн баяжилт хийх.

Зорилт 2.3.12. Боловсролын чанарын үнэлгээг дээшлүүлж, суралцагчийн хөгжлийн хэрэгцээ шаардлагыг хангасан бүтээлч багшийг бий болгож, чадварлаг багш арга хэмжээг хэрэгжүүлж шагнаж урамшуулна.

Зорилт 2.3.13 Насан туршийн боловсролын хүртээмжийг нэмэгдүүлж, цахим, сургалтыг хөгжүүлж, иргэдийн тасралтгүй боловсролыг дээшлүүлнэ.

Зорилт 2.3.14 Сурагчдын сэтгэн бодох чадварыг сайжруулах чиглэлээр Ерөнхий боловсролын сургуульд “Соробан сампин”-гийн иж бүрэн танхимыг байгуулах.

#### **Зорилго 2.4. Иргэдийн нийгмийн баталгааг хангах.**

Зорилт 2.4.1. Малчид, хувиараа хөдөлмөр эрхлэгчдийг даатгалын үйлчилгээнд хамруулж, нийгмийн баталгааг хангана.

Зорилт 2.4.2. Хөгжлийн бэрхшээлтэй иргэдийн ажлын байрыг нэмэгдүүлэх

Зорилт 2.4.3. Ажилтай орлогтой өрхийн тоог нэмэгдүүлж 25-аас доошгүй иргэн байнгын болон түр ажлын байраар хангагдах.

Зорилт 2.4.4. Ахмадын зөвлөх үйлчилгээг хэрэгжүүлж тухайн ахмад настангуудын өрхийн орлогыг нэмэгдүүлэх.

Зорилт 2.4.5. Хөдөлмөр эрхлэлтийг дэмжих аймгийн дэд хөтөлбөрийг үргэлжлүүлэн хэрэгжүүлэх

Зорилт 2.4.6. Зорилтот бүлгийн иргэдийн хөдөлмөр эрхлэлтийг дэмжих

Зорилт 2.4.7. Хамтарсан багийн үйл ажиллагааг эрчимжүүлж, гишүүдийг чадавхижуулахан Хүүхэд хамгааллыг сайжруулж, гэр бүлийн тогтвортой байдлыг

хангаж, гэр бүлийн гишүүдэд болон хүүхдэд ээлтэй бодлого хэрэгжүүлж хүний хөгжил, хамгааллыг сайжруулах.

Зорилт 2.4.8 Хүн амын удмын санд учирч болзошгүй сөрөг нөлөөллийг арилгах, урьдчилан сэргийлэх,

Зорилт 2.4.9 Угийн бичиг хөтлөх аян зохион байгуулах

Зорилт 2.4.10 Иргэдэд эрүүл аж төрөх дадал хэвшилд сургах, ажил мэргэжлийн чиг баримжаа олгох

Зорилт 2.4.11 Нохой, муур устгалын ажлыг жил бүр зохион байгуулж, тусгай зөвшөөрөл бүхий иргэнийг бэлтгэх

### **Соёлтой иргэн- нийгмийг түүчээлнэ**

#### **Зорилго 2.5 Спорт, соёлын салбарын үйл ажиллагааг эрчимжүүлэх.**

Зорилт 2.5.1 Сумын нийт ард иргэдийн дунд соёл урлаг, спортын арга хэмжээг зохион байгуулах.

Зорилт 2.5.2 Соёлын биет ба биет бус өв, түүх соёлын дурсгалын хадгалалт хамгаалалтыг сайжруулах, ард иргэдэд сурталчилан таниулах.

Зорилт 2.5.3 Соёлын бүтээгдэхүүн үйлчилгээгээр дамжуулан иргэдийг соён гэгээрүүлж, хандлагыг өөрчилж “Бүх нийтийн соёлын боловсрол” арга хэмжээг хэрэгжүүлэх.

Зорилт 2.5.4 Урлаг соёлын чанар хүртээмжийг дээшлүүлж, үйл ажиллагаа явуулах орчин нөхцөл сайжруулах.

Зорилт 2.5.5 Иргэдийн ном унших дадал хэвшлийг нэмэгдүүлж, номын сан болон орон нутаг судлах танхимын үйл ажиллагааг сайжруулах.

Зорилт 2.5.6 Бүх нийтийн биеийн тамирыг бүх талаар дэмжин холбогдох хүмүүстэй хамтран ажиллах

Зорилт 2.5.7 Үндэсний спортын холбоодуудтай байнга хамтран ажиллаж, бүх талаар дэмжин ажиллах

**Гурав: Эдийн засгийн бодлогын хүрээнд:**

**Эрүүл хөрс- эрүүл хүнс**

**Зорилго 3.1. Газар тариалангийн салбарын үйл ажиллагааг дэмжиж, тариалалт, ургац хураалтыг нэмэгдүүлнэ.**

Зорилт 3.1.1. Төмс хүнсний ногоо, жимс жимсгэнэ хөтөлбөрийн хүрээнд хийгдсэн ажлын үр дүнг тооцож цаашид төсөл хөтөлбөрийн байгууллагуудтай хамтарч хэрэгжүүлэх.

Зорилт 3.1.2. Дархан хотын ургамал судлалын хүрээлэнтэй хамтран нутгийн арвайн дээжийг сорт судалгаанд хамруулж био химийн найрлага тогтоож ,ургац нэмэгдүүлэх бордоог туршиж улмаар Лигийн гол-арвайн брэнд бүтээгдэхүүнтэй болох.

Зорилт 3.1.3. Лигийн голын услалтын системийг бүрэн хүчин чадлаар нь ашиглаж хөх арвай, төмс, хүнсний ногоо тариалалтыг нэмэгдүүлж, хамгаалалтын тор хайс хашаажуулах хиймэл нуурын нөөцийг хангах

Зорилт 3.1.4.Газар тариалан эрхлэгчдийг дэмжих, шаардлагатай тоног төхөөрөмжөөр хангах зээлийн бодлогоор дэмжих

Зорилт 3.1.5. Стандартын шаардлага хангасан хүлэмж, зоорийн тоог нэмэгдүүлэн ашиглалтыг сайжруулна.

Зорилт 3.1.6 Газар тариалангийн услалтын системийг сайжруулах зорилгоор хос нуур бий болгож, хөдөөгийн багуудад газар тариалангийн бүсүүд байгуулан БАХ-үүдийн малын тэжээл тариалах нөхцөл боломжийг бүрдүүлэн тоног төхөөрөмжөөр хангана.

**Зорилго 3.2. Мал эмнэлгийн аж ахуйн нэгжийг чадавхжуулж, үйлчилгээний чанар хүртээмжийг нэмэгдүүлэн эрүүл бүс статусаа бататгана.**

Зорилт: 3.2.1. Малын халдварт, гоц халдварт, шимэгчтэх өвчинтэй тэмцэх, урьдчилан сэргийлэх, мал сүргийг эрүүлжүүлэх, үйл ажиллагааг хэрэгжүүлж эрүүл бүс статусаа бататгана.

Зорилт: 3.2.2. Малын шилжилт хөдөлгөөн болон малын гаралтай бүтээгдэхүүнд тавих хяналтыг сайжруулах

Зорилт 3.2.3. Мал эмнэлгийн бэлэн байдлыг хангах, шаардлагатай эм бэлдмэлийн нөөц бүрдүүлнэ.

**Зорилго 3.3. Малын чанар ашиг шимийг сайжруулах**

Зорилт 3.3.1. Малын чанар, ашиг шимийг сайжруулах малын тоог чанарт шилжүүлж “Монгол мал-2”, “Монгол малчин”, “Шинэ хөдөө” үндэсний хөтөлбөрийг хэрэгжүүлнэ.

Зорилт 3.3.2. Хөдөө аж ахуйн бүтээгдэхүүн үйлдвэрлэлийг хөгжүүлж, малын гаралтай бүтээгдэхүүний экспорт болон үйлдвэрлэл эрхлэгчдийг дэмжиж, ажлын байр нэмэгдүүлэн, бренд бүтээгдэхүүн бий болгоно.

**Зорилго 3.4. Үйлдвэржилтийн бодлогын судалгаан дээр үндэслэн сумын үйлдвэржилтийн бодлогыг тодорхойлж зах зээлийг судлах, цаашид эдийн засгийн үр өгөөжийг нэмэгдүүлэх.**

Зорилт 3.4.1. Үйлдвэржилтийн бодлоготой уялдуулж орон нутгийн чиглэлийг тодорхойлж жижиг дунд үйлдвэрлэл эрхлэгчдэд зээл олгож ажлын байрыг нэмэгдүүлэх.

Зорилт 3.4.2. Ингэний сүү хуурайшуулах үйлдвэр байгуулах мөн арьс шир, нэхий боловсруулах анхан шатны цехийн үйл ажиллагааг сайжруулан ажиллуулах.

**Зорилго 3.5. Санхүү эдийн засгийн хүндрэлийг тооцож, эдийн засгийг тогтвортой байлгахад анхаарна.**

Зорилт 3.5.1 Татварын хууль тогтоомжийг сурталчилан хэрэгжилтэд хяналт тавих, улс орон нутгийн төсвийн орлогыг татварын нэр төрөл бүрээр жигд ханган биелүүлэх

Зорилт 3.5.2 Татвар төлөгчдийн бүртгэл мэдээллийн зөрүүг арилган бүртгэлд хамрагдаагүй татвар төлөгчдийг бүрэн хамруулна.

Зорилт 3.5.3 Мэдээ, мэдээллийн ил тод байдлыг хангаж, шилэн дансны болон худалдан авах ажиллагааны цахим хэрэглээг иргэдэд сурталчлан таниулж, “Тунгалаг санхүү” хөтөлбөрийг хэрэгжүүлнэ.

Зорилт 3.5.4 Байгууллагуудын санхүүгийн сахилга батыг сайжруулж, ажилчдыг чадавхижуулан стандартын шаардлагад нийцсэн тоног төхөөрөмжөөр хангах.

Зорилт 3.5.5 Төрийн өмчийн барилга байгууламж, эд хөрөнгө, техник, тоног төхөөрөмжийн хадгалалт, хамгаалалт, ашиглалтыг сайжруулан хяналт тавьж, ашиглалтын шаардлага хангахгүй болсон эд хөрөнгө, өмчийг акталж устгуулах ажлыг эрчимжүүлнэ.

Зорилт 3.5.6 Өргөн хэрэглээний бараа бүтээгдэхүүний үнийг байнга барьж ажиллана.

Зорилт 3.5.7 Төсөл хөтөлбөрүүдийг судалж гадаад харилцааг идэвхижүүлэн оновчтой хөрөнгө оруулалтыг нэмэгдүүлэхэд анхаарч ажиллана.

Зорилт 3.5.8 ХАА-н цаг уурын талбайг шинэчилж, дэлхийн стандартад нийцсэн орчин үеийн цаг уурын талбайтай болж улмаар цаг уурын өртөөтэй болох

**Дөрөв: Засаглалын бодлогын хүрээнд:**

**Зорилго 4.1. Төрийн албаны үйлчилгээг түргэн шуурхай болгож, иргэдийг төрийн нэгдсэн бодлого удирдлагаар хангаж, төрийн үйлчилгээг шуурхай хариуцлагатай, хүртээмжтэй хүргэх нөхцөлийг бүрдүүлж, төрийн албанд ёс зүй, чадахуйн зарчмыг төлөвшүүлж, үйл ажиллагааны ил тод байдлыг сайжруулна.**

Зорилт 4.1.1. Төрийн албан хаагчийн үйл ажиллагааг үнэлэхдээ ажлын гүйцэтгэл, ажлын цаг баримтлал, үйлчлүүлэгчийн үнэлгээ, ёс зүй, сахилга хариуцлагыг

шалгуур болгож, ёс зүйн зөрчил гаргасан төрийн албан хаагчид хүлээлгэх хариуцлагыг чангатгана.

Зорилт 4.1.2. Чадварлаг, хариуцлага, ёс зүйтэй төрийн албыг бэхжүүлнэ.

Зорилт 4.1.3. Төрийн үйлчилгээний операторын үйл ажиллагааг эрчимжүүлж, төрийн байгууллагын үйл ажиллагаанд мэдээлэл харилцаа холбооны дэвшилтэт технологи, инновац нэвтрүүлэх замаар төрийн цахим үйлчилгээг нэмэгдүүлж, бүтээмж, үр ашгийг дээшлүүлнэ.

Зорилт 4.1.4 Мэргэжлийн болон төсөл хөтөлбөрийн байгууллагуудтай хамтран Сумын хөгжлийн мастер төлөвлөгөөг боловсруулж батлуулах.

Зорилт 4.1.5 Төрийн байгууллагуудын авто парк шинэчлэлтийг хийх.

Зорилт 4.1.6 Авилга ашиг сонирхолын зөрчлөөс урьдчилан сэргийлэн бүх нийтийн хандлагыг өөрчилж, сургалт сурталчилгааг эрчимжүүлнэ.

Зорилт 4.1.7 Бүх нийтийн эрх зүйн боловсролыг дээшлүүлэх тогтолцоог бэхжүүлж иргэдэд эрх зүйн харилцаанд бие даан оролцох чадварыг үе шаттайгаар нэмэгдүүлнэ.

Зорилт 4.1.8 Хувийн хэвшлийн байгууллагуудтай хамтран төрийн албан хаагчдыг орон сууцжуулах ажлыг эхлүүлэх.

Зорилт 4.1.9 Шинэ сумын барилгын их засвар хийх

Зорилт 4.1.10 Их халбагант, Баян-Аараг багуудын нутагт Жи мобайлын сүлжээ тавих.

Зорилт 4.1.11 Төрийн албаны мэргэжлийн боловсон хүчнийг бэлтгэх, хүний нөөцийг чадавхижуулах.

Зорилт 4.1.12 Монгол улсын гавъат тамирчин Ц.Нацагдоржийн нэрэмжит болгох ажлыг эрчимжүүлж хэрэгжилтийг хангаж ажиллах

**Зорилго 4.2. Архивын баримтын хадгалалт хамгаалалт аюулгүй байдлыг хангаж албан хэрэг хөтлөлтийн үйл ажиллагааг цахимжуулна.**

Зорилт 4.2.1 Төрийн байгууллагуудын архивын баримтын хадгалалт хамгаалалтыг сайжруулах ажлын хүрээнд архивын баримтын нягтруулсан шүүгээтэй болсон байна.

Зорилт 4.2.2 Албан байгууллагууд Архивын хууль бусад холбогдох журмын дагуу Төрийн архивт цаг хугацаанд нь бүрэн шилжүүлэх ажлыг эрчимжүүлж, хяналт тавин ажиллах



**Тав: Ногоон хөгжлийн бодлогын хүрээнд:**

**Зорилго 5.1. Байгаль орчныг хамгаалах байгальд үзүүлэх сөрөг нөлөөллөөс урьдчилан сэргийлэх, байгаль орчны бодлогыг төлөвлөн хэрэгжүүлнэ.**

Зорилт 5.1.1. Худаг уст цэг гаргах, шаардлагатай цэгүүдэд уст цэгийн хайгуул хийх.

Зорилт 5.1.2 Хөрсний үржил шим, чийгийг хамгаалж, газрын доройтол, хөрсний бохирдол, цөлжилтөөс сэргийлэн эвдрэлд орсон доройтсон газрыг нөхөн сэргээх.

Зорилт 5.1.3 Байгаль орчны хууль тогтоомжийг олон нийтэд сурталчилан таниулж стандарт хэм хэмжээг мөрдүүлэн,

Зорилт 5.1.4 “Хоггүй Баянлиг” аяныг зохион байгуулж хог хаягдлын менежментийн төлөвлөгөө боловсруулан, хэрэгжилтийг хангах

Зорилт 5.1.5 Зэрлэг амьтадыг хамгаалах, өвс тэжээлийн хомсдлоос урьдчилан сэргийлэх, амьдрах орчныг сайжруулах чиглэлээр зэрлэг амьтны байршил бүхий газруудад био техникийн арга хэмжээ авах

Зорилт 5.1.6 Булгийн эхийг хамгаалах ундрагыг сэргээх ажлыг иргэд, малчид, нөхөрлөлийн оролцоотойгоор хийж хэрэгжүүлж, Булаг шанд, ус хангамжийн эх үүсвэрийн эрүүл ахуйн бүсийн дэглэмийн хэрэгжилтийг сайжруулан, хамгаалалтын бүс бий болгон шинжилгээнд хамруулах

Зорилт 5.1.7 Байгаль орчны эсрэг гэмт хэргээс урьдчилан сэргийлэх ажлын хяналтыг сайжруулах

Зорилт 5.1.8 Орон нутагт байгаа ашиглалтын тусгай зөвшөөрөлтэй компаний үйл ажиллагааг зогсоох ажлыг шийдвэрлэж, холбогдох байгууллагад уламжилж үе шаттай арга хэмжээ авах

Зорилт 5.1.9 Орон нутгийн аялал жуулчлалын бизнесийг дэмжих технологийн шийдлүүдийг боловсруулж хэрэгжүүлнэ.

Зорилт 5.1.10 Ногоон байгууламжийг бий болгох үүднээс иргэд ААН-үүдийн дунд мод тарих хөдөлгөөнийг өрнүүлж, албан байгууллага, аж ахуйн нэгжүүд албан өрөөгөө цэцэгжүүлэн айл өрх болгон хүрээлэн буй орчиндоо ногоон байгууламжийг бий болгосон байна

Зорилт 5.1.11 Сумын хэмжээнд ААН, айл өрхүүдийг стандартын муу усны кооног, нойлтой болгож, холбогдох байгууллагууд, мэргэжилтнүүд хамтран хяналт

тавих ажлыг эрчимжүүлж ажиллах \ЭМТ, Байгаль орчин, Цагдаагийн хэсэг, 5 дугаар багийн Засаг дарга\

### **Зорилго 5.2 Газар зохион байгуулалт, төлөвлөлт**

Зорилт 5.2.1 Газар зохион байгуулалтын төлөвлөлтийг эмх цэгцтэй, бодит байдлаар хийж, гэр хорооллын дахин төлөвлөлтийн хүрээнд “Жишиг гудам” бүхий арга хэмжээг авч хэрэгжүүлэх

**Зургаа: Амар тайван, аюулгүй нийгмийн бодлогын хүрээнд:**

### **Зорилго 6.1. Иргэдийн амар тайван байдлыг хангах**

Зорилт 6.1.1 Сумын хэмжээнд гарч буй гэмт хэрэг, зөрчлийн шалтгаан, нөхцлийг тогтоон, урьдчилан сэргийлж хяналтыг сайжруулах.

Зорилт 6.1.2 Цагдаагийн албан хаагчдын ажиллах, амьдрах орчин нөхцлийг сайжруулах.

Зорилт 6.1.3 Малчдын бүлгэмийг шинэчлэн байгуулах, үйл ажиллагааг эрчимжүүлэх, хамтран ажиллах

Зорилт 6.1.4 Осол гэмтлээс урьдчилан сэргийлэх чиглэлээр замын тэмдэг тэмдэглэгээ нэмэгдүүлэх

Зорилт 6.1.5 Сумын хэмжээний архины хамааралтай иргэдийг соён гэгээрүүлэх үүднээс “Жаргалтай амьдрал төв”-тэй хамтран ажиллах

Зорилт 6.1.6 Гэр бүлийн хүчирхийллийн улмаас үйлдэгдэж буй гэмт хэрэг зөрчлийн тоог бууруулж, урьдчилан сэргийлэх арга хэмжээг зохион байгуулах.

Зорилт 6.1.7 Тодорхой цэгүүдийг теле камерийн хяналтанд авах ажлыг үе шаттайгаар нэмэгдүүлэх.

Зорилт 6.1.8 Мал хулгайлах гэмт хэргээс урьдчилан сэргийлэх, тэмцэх, таслан зогсоох, холбогдох байгууллагуудтай хамтран бүх талын арга хэмжээг авч ажиллах

Зорилт 6.1.9 Хэрэглэгчдийн эрх ашгийг хамгаалах зөвлөлийг шинэчлэн байгуулж, хүнсний аюулгүй байдлыг ханган, чанар байдалд байнгын хяналт тавьж ажиллах

.....оОо.....